


Monika Riedi surdat a Hans-Giacun Spescha

La Scola vinavon a Glion mida tgamun

■ (cp) **Monika Riedi surdat la responsabladad per il menaschi dalla Scola vinavon a Hans-Giacun Spescha. A caschun dalla fiasta da diplom dil vendergis vargau eis ella vegnida undrada per ses merets a favur dalla scola.** Igl onn 1986 ei *Monika Riedi* vegnida engaschada dall'antieriura Scola da puras e da tenercasa per giuvnas sco frestg diplomada scolasta da lavurs manilas e da tenercasa. Suenter 8 onns ha Monika Riedi surpriu igl onn 1994 la responsabladad da menadra dalla scola. Sin fundament dalla digren da scolaras eis ei stau necessari d'adattar la purschida, aschia ch'igl ei vegniu introduciu igl uost 1995 la scola preprofessionala. Monika Riedi ei era stada cumpigliada ferm tier las adattaziuns ed amplificaziuns dalla purschida ch'ei suandadas. Igl onn 2011 ei la midada dil purtader tier la Regiun Surselva succedida. Era quei pass ha Riedi gidau a formar. Per la fin fenadur 2013 seretila ella dil post sco menadra. *Ernst Sax*, president dalla Regiun Surselva, ha engraziua a Monika Riedi cordialmein per siu engaschi nunstunclenteivel durant ils davos 27 onns. *Hans-Giacun Spescha* surpren naven da quei datum la responsabladad per la scola. El instruescha ina part sco scolarast e fa part dalla direziun dil Center da formaziun Surselva. Gia oz instruescha el en pensum cuplein alla Scola vinavon. Spescha ha retschiert la patente da scolarast real alla Scol'aula da pedagogia a s. Gagl igl onn 1981. Sper pliras scolaziuns supplementaras ha el absolviu durant dus onns la scolaziun sco coach d'entruidament da clamada e re-



Han retschiert il vendergis vargau il diplom dalla Scola vinavon: La classa dil dieschavel onn da scola informatica e lungatgs. MAD

tschert il diplom igl onn 2012. Ils davos 11 onns ei Spescha staus emploiaus tier la Scola vinavon ed ha formau quella ensemblem culla menadra actuala Monika Riedi ed il team d'instruziun tier la purschida actuala.

Surdau ils diploms a 42 scolaras e scolaras

A caschun dalla fiasta da finiziun ha la menadra da partiziun Monika Riedi saviu gratular a 42 absolventas ed absolvents tier lur attestat. 16 attestats ha ella

saviu surdar ad absolventas ed absolvents dil 10avel onn general, 16 attestats dil 10avel onn informatica e lungatgs e 10 attestats dil onn da schanzas. Las scolaras ed ils scolaras han contonschiu bia durant quei onn da scola.

Denter auter han 16 scolaras e scolaras saviu retscheiver il certificat svizzer d'informatica (SIZ), tuttas scolaras e tuts scolaras dil 10avel onn general sco era d'informatica e lungatgs han dumignau igl European Computer Driving Licence (ECDL), suenter ina dimora da lungatg ell'Engeltiara han engrinas scolaras e scolaras fatg g'examen PET (Preliminary English Test). *Curdin Tuor*, meinafatschenta dil Center da formaziun Surselva, ha drizzau in salid als presents.

Onn da schanzas

Lirija Azemi, Cuera. Elia Camenisch, Domat. Pirmin Capaul, Lumbrin. Andrea Caviezel, Vella Kieran Gwalter, Lai. Kader Hamid, Cuera. Lavinia Lutz, Curaglia. Hidaver Ramadani, Glion. Daniel Solèr, Urs. Daniel Vulic, Cuera.

Dieschavel onn da scola informatica e lungatgs

Mara Lisa Buchli, Sagogn. Marius-Benjamin Caratsch, Münstair. Aron Demont, Trun. Bojana Dinic, Cuera. Prisca Eicher, Sumvitg. Vanessa Ferreira, San Murezzan. Gian-Andrea Haltiner, Favugn. Bajram Idrizi, Zezras. Melina Mayer, Panaduz. Savina Meier, Cuera. Karin Peng, Val Sogn Pieder. Alexander Raich, Cuera. Celine Schlegel, Landquart. Andrina Tschuur, Mustér. Silvan Wolf, Trun. Nadja Zinsli, Valendau.

Dieschavel onn da scola general

Bianca Allemann, Favugn. Loris Beti, Li Curt. Fabio Bontognali, Le Prese. Tania Caminada, Vrin. Saskia Aline Coray, Trin. Anja Cramer, Poschiavo. Carmen Derungs, Favugn. Patrizio Gondenzi, Li Curt. Ladina Joos, Trimmis. Melanie Jörger, Li Curt. Natascha Lendi, Tumein. Angela Maurer, Favugn. Woot Phatphuang-Cortesi, San Carlo. Jessica Ribeiro, Li Curt. Svenia Senften, Malans. Patrizia Stöckli, Igis.

Diploms per ils novs lennaris grischuns

A Glion ha la fiasta da diplom a favur dils novs lennaris grischuns giu liug



La Quotidiana presenta l'annada 2012

Suenter l'emprima ediziun dils pops digl onn 2012 selegra La Quotidiana da presentar el decors dil meins da fenadur 2013 ils affons naschi il 2. quartal 2012. Nus dein la pusseivladad agl entir intschesch romantsch da separticipar.

Tarmettei pia ina foto actuala da vies affon ch'ei naschius denter igl avrel e la fin da zercladur 2012 cun las suandantas indicaziuns:

- num e prenum digl affon
- data da naschientscha
- liug da domicil
- num e prenum dils geniturs

La foto digitala duei esser sil pli pauc 500 KB. Fotografias da handy ein buc adattadas, fotos sin pupi perencunter bein. Secopescha che lezzas vegnan returnadas.

La secunda ediziun cumpara il fenadur 2013. Ella cumpeglia affons ch'ei naschi il secund quartal 2012 (avrel-zercladur 2012). Las fotografias e las indicaziuns ein dad inoltrar entochen ils 5 da fenadur 2013 alla suandanta adressa:

La Quotidiana
L'annada 2012
Via comerciala 22
7007 Cuera
e-mail: redaktion-lq@suedostschweiz.ch

Ord il ravugl dallas annunzias inoltradas tra la diala da cletg mintga quartal treis victurs. La Quotidiana selegra dils purtrets dils affons romantschs ed engrazia per la collaboraziun.

■ (ac) **Ella aula dalla scola da Glion han 30 lennaris retschiert lur diploms professionals il vendergis vargau suenter haver terminau cun success ils examens finals d'empredissadi.** Neu dalla statura tradeschan ils niev diplomai lennaris ed elavuratur da lenna dad esser disai da luvrar corporalmein. Els e lur patrums e confamiliars ein seradunai il vendergis vargau ella aula dalla scola da Glion per retscheiver ils diploms. El luvratori dalla Scola professionala industrialia ein las lavurs da diplom dils empredists stadas exponidas. Lavurs unificadas neu dallas pretensiuns d'examen e quei per l'entira Svizra. A caschun dalla fiasta da diplom han ils lennaris menziunau las severas premissas da temps stadas a disposiziun per realisar la lavur da diplom. Mintgin dils diplomai ha presentau siu object preferiu construi duront il temps d'empredissadi enten retscheiver il diplom. En cuorts plaids han els relatau davart las experienzas fatgas duront igl empredissadi ed en special cun construir igl object preferiu. *Rita Wiesendanger*, la scheffa digl Uffeci cantunal per la formaziun professionala, ha menziunau viers ils novs lennaris grischuns da bunamein esser empau scuida sin lur lavur. Ella ha explicau ch'ils lennaris scaffeschien valurs restontas sur decennis. Fertion che la lavur el biro produceschi savens bia pupi che svaneschi cun cletg enzanua en in archiv sche buc el canaster da pupi. Rita Wiesendanger ha vinavon plidentau l'etappa terminada ella veta dils giuvens lennaris ed elavuratur da lenna en ina interessanta clamada. Ella ha intimau ils giuvens mistergners da se-render ora el mund per rimnar ultriras experienzas.

Lennaris

Jann Bärtsch, Martin Brunold, Philip Buchli, Simon Bühler, Lars Egli, Dario Graf, Yanik Halbheer,



Luzian Tuor da Trun ha retschiert il vendergis vargau siu diplom sco lennari. E cun el ulteriurs 30 novs lennaris ed elavuratur da lenna. FOTO A. CADONAU

Chasper Huwiler, Markus Kunfermann, Lino Lörtscher, Andri Marugg, Adrian Müller, Christian Patt, Vincenzo Rezzoli, Gian Rizzi, Simon Salzgeber, Gian Andrea Schmidt, Tobias Tarnutzer, Nicola Thialer, Gian Andrin Triet, Luzian Tuor, Simon Willi.

Elavuratur da lenna

Michael Bless, Felix Müller, Renato Pargäzti, David Pedevilla, Pietro Piacente, Christian Schlegel, Markus Wolf, Silvano Zimmermann.